



**"Svaki poslanik, kojeg je Allah poslao prije mene, imao je od svoga naroda pomagače i drugove koji su se držali njegovih sunneta i slijedili njegova naređenja i uputstva. Zatim su poslije njih dolazile generacije ljudi koji nisu činili ono što su govorili, a činili su ono što im nije naređeno..."**

Ibn Mesud, radijallahu anhu, prenosi da je Allahov Poslanik, sallallahu alejhi ve sellem, rekao: "Svaki poslanik, kojeg je Allah poslao prije mene, imao je od svoga naroda pomagače i drugove koji su se držali njegovih sunneta i slijedili njegova naređenja i uputstva. Zatim su poslije njih dolazile generacije ljudi koji nisu činili ono što su govorili, a činili su ono što im nije naređeno. Ko se protiv takvih bude borio rukama, taj je vjernik; onaj ko se protiv njih bude borio prezirući ih svojih srcem vjernik je; onaj ko se protiv njih bude borio jezikom vjernik je, a nakon toga nema imana ni koliko je trunka."

[Vjerodostojan] [Hadis bilježi imam Muslim]

Prije Poslanika, sallallahu alejhi ve sellem, nije postojao nijedan poslanik, kojeg je Allah poslao nekom narodu, a da sa sobom nije imao dobre i iskrene ljude, zaslužne da ga naslijede, drugove koji su slijedili njegov put i vjerezakon. Zatim su nakon njih došle generacije ljudi koji su tvrdili da su dobri, a nisu bili takvi, nego su činili zlo, suprotno onom što im je naređeno i kršili su vjerske naredbe. Onaj ko im se suprostavi svojom rukom, a očekuje da će zlo kojem se suprotstavio biti uklonjeno i da neće izazvati veću štetu od postojeće, taj je potpuni vjernik. Vjernik je i onaj ko to djelo pokuša ukloniti riječima, tako da ga osudi i pomogne onima koji će ga otkloniti. Isto tako, onaj ko to srcem prezire i od Allaha zatraži da ga ukloni vjernik je. A onaj ko zlo ne prezire srcem nema ništa od vjere.

<https://sunnah.global/hadeeth/bs/show/3480>

